

2-8-2
43

第一冊

卷

序

纂

校

凡

總

目

一

二

大事記

卷

一

二

大事記

修職名

印職名

例

目

一

二

大事記

新纂雲南通志

盧

漢

題



新纂雲南通志卷五目錄

大事記五

近古代一

第一期

始元憲宗二年壬子迄
明洪武十三年庚申

第二期

始明太祖洪武十四年辛酉
迄清世祖順治三年丙戌

新纂雲南通志卷五

大事記五

近古代第一期

近古代凡五期一滇設行省二沐氏兵屯三流寇等亂四滇
無藩兵五交緬喪失茲先紀第一期始元憲宗二年壬子迄
明洪武十三年庚申共一百二十九年

即公曆一二五二
年至一三八〇年

元憲宗二年

即宋理宗淳
祐十二年

六月忽必烈帥師征雲南

畢沅續
通鑑

案元代之人名官名譯音者五六百年雖不必確然已相沿成
習自乾隆中改譯如忽必烈改呼必賚賽典赤改賽音諤德齊
達魯花赤改嚕噶齊種種新名讀史者更以爲苦乃畢通鑑阮
志岑志遵改之而仍有未盡改者又有夾注顛倒者今悉從舊

名云

三年

即宋理宗寶祐三年

二月元兵入大理相國高泰祥死之擒段興智得五城八

府三十七蠻部

野史

九月忽必烈征雲南冬十月兵過大渡河又二千餘里至金沙江
乘革囊及筏以渡摩娑蠻立唆火脫迎降十一月忽必烈遣使諭
大理降時僧子聰在軍中每贊皇弟以天地之好生王者之神武
不殺皇弟契之兀良合台分兵攻白蠻所在寨柵以次下之十二
月丙辰中道兵薄大理城初大理主段興智微弱國事皆決于高
祥

考異元文類載程鉅夫平雲南碑段智與作興智高祥作高泰祥今從元史

是夕祥遁去忽必烈既入大理命姚樞搜

訪圖籍將屠其城樞及僧子聰張文謙請宥之樞裂帛爲旗書止
殺之令分號街陌大理之人民賴以全活癸亥獲高祥斬于姚州

班師

考異平雲南碑作春振旅而還今從元史於冬月

留兀良合台攻諸蠻之未下者以劉時中爲宣

撫使

畢通鑑

案元入大理樞訪圖籍得爲政之要也考滇中造冊入朝有四

十餘鉅冊殆根於此

據上海廣倉學叢書

又案滇繫以姚樞劉秉忠張文謙力諫秉忠偉人入滇而爲滇福爲滇光畢氏略之當補明

北勝土司內附

元史地理志

案元地理志北勝唐有施蠻爲異牟尋所破名其地曰成偈睽段氏時高智昇使其孫大惠鎮此郡元憲宗三年內附至元十五年改施州十七年改北勝州

四年元兵克昆明遂定雲南諸郡以蠻部三十六路四十八甸皆設

土官大理金齒都元帥府統之

案演

案元史地理志中統初金齒白夷諸酋各遣子弟朝貢二年立安撫以統之當即一時之事

五年段興智與其季父信苴福入覲命悉主諸蠻白爨等部以信苴

福領其軍

野史

敕段興智敕仍管八府

野史

案演載記仍錄段氏子姓世守其土敕興智封爲摩訶羅嗟管領八方

又案段氏雖亡猶得管大理騰永及川之會理寧遠元之待人
不薄矣

七年六月蒙古兀良合台以雲南平請依漢故事以西南夷悉爲郡

縣從之加元良合台大元帥還鎮大理

段興智奉命征安南兵回至定興薨

案元史信苴日傳乙卯興智入覲條奏治民立賦之法憲宗大

喜

宋寶祐三年

興智委國任其弟信苴日自與信苴福

野史作段甫

率熆人爨

軍二萬爲前鋒導大將元良合台討平諸郡未附者攻降交趾

入朝興智在道卒是興智建議治民建功保土其人可傳特表

彰之入朝二字或因上文入覲而衍或指交趾入朝據續通鑑

興智乃卒於凱還道中也

世祖中統元年

即宋理宗景定元年

段實守大理

畢通鑑

二年賜大理國主段實虎符優詔撫慰之

元史世祖本紀

案段實即信苴日蓋受元官後改名以示服元也元史有傳今

一律改言段實以便閱者

存疑○敕削段氏帝號賜虎符

阮本野史

案阮志秩官志云此敕多可疑甚允

詔段實領大理鄯闡威楚會川統矢建昌騰越等城自各萬戶以下

皆受其節制

元史本傳

元史地理志雲南省下永寧州南詔立建昌郡普定屬建昌

案此皆元時黔蜀徼屬滇轄之證

至元二年

即宋度宗淳祐元年

諸爨部叛段實討平之

案滇

阮本野史滇妖僧舍利糾三十七部反段實大破之於安寧陞參

政

案詳見元史信苴日本傳

段實破交趾

野史

四年八月封皇子忽哥赤爲雲南王

先是蒙古主以安南入貢不時以同簽土蕃經略使張庭珍爲朝
列大夫安南國達魯花赤由吐蕃大理至安南其世子光嗣下拜

受詔及其臣皆服遣使隨庭珍入貢

考異元史張庭珍傳以入貢
爲六年以後事今從本紀

七年金齒縹國三部酋長大附

范志

八年二月大理等處宣慰都元帥寶合丁等謀毒殺皇子雲南王忽

哥赤事覺並伏誅

畢通鑑

案封王之弊如此洵千古之明鑑

分大理等處爲南北中三路置中書省于鄯闡改名中慶路共爲路

三十七甸四十八

范志

李志至元八年分大理三十六部爲三路

原注本紀

案元地理志立行中書省十一雲南居一是爲雲南省之始

十年二月雲南羅羽酋長阿旭叛詔有司安集其民募能捕斬阿旭

者賞之

本紀

十一年賽典赤贍思丁爲雲南行省平章政事更定諸路名號以段

實爲大理總管

元史本傳

諭賽典赤曰雲南朕嘗親臨比因委任失宜使遠人不安欲選謹

厚者撫治之無如卿者賽典赤受命既訪求知雲南地理者函其

山川城郭驛舍軍屯夷險遠近爲圖以進帝大悅即拜平章政事

行省雲南賜鈔五十萬緡金寶無算

畢通鑑

案賽爲省長之賢段爲土著之俊和衷共濟宜乎滇民愛戴

賽典赤建雲南各衙門

野史

十二年春

即帝熈德祐元年

雲南總管段實石買等刺殺舍利爲亂者以金賞之

元史本紀

賽典赤奏雲南諸夷未附者尙多今據宣慰司兼行元帥府事並聽行省節制又州縣皆以萬戶千戶主之宜改置令長並從之

十二年宋福州團練使知特磨道率州縣三十有七戶十萬詣雲南

行中書省請降

元史世祖本紀

案世祖本紀十四年四月宋特磨道將軍農士貴等以所屬州縣溪洞百四十七來附五月改廣南西路宣撫司爲宣慰司是知廣南府地在段氏時屬于宋土貴且官將軍不爲不顯矣

十三年緬國襲大理段實禦之以功授大理蒙化等處宣撫使

元史本傳

案畢氏通鑑僅言授段實大理等處宣撫使不據元史詳其功足見草率

行省雲南賽典赤以所改縣郡上聞

賽典赤建孔子廟明倫堂講經史授學田

元史賽典赤本傳

交趾王至雲南乞永爲藩

元史賽典赤本傳

雲南民以貝代錢是時初行鈔法民不之便賽典赤爲聞于朝許仍其俗交趾叛服不常湖廣省發兵屢征不利賽典赤遣人諭順逆禍福且約爲兄弟交趾王大喜親至雲南賽典赤郊以待以賓禮遂乞藩臣羅槃甸叛往征之有憂色從者問故賽典赤曰非吾憂出征也憂汝曹冒鋒鏑不幸以無辜而死又憂汝曹劫掠平民使不聊生及民叛則又從而征之耳師至羅槃城三日不降諸將

攻之賽典赤不可遣使以理論之羅槃主奉命越三日又不至諸將奮勇請進兵賽典赤又不可俄而將卒有乘城進攻者賽典赤大怒遽鳴金止之召萬戶叱責之曰天子命我安撫雲南未嘗命以殺戮也無主將命而擅攻于軍法當誅命左右縛之諸將叩頭請俟城下之日從事羅槃主聞之曰平章寬仁如此吾拒命不祥乃舉國出降將卒亦釋不誅遂改爲元江府由是西南諸夷翕然款附夷酋每來見例有所獻納賽典赤悉分賜從官或以給平民秋毫無所私爲酒食勞酋長制衣冠襪履易其卉服草履民皆感

服

元史賽典赤本傳

十四年遣使徵緬甸朝貢不從率衆侵擾永昌雲南行省遣兵伐之降其砦三百餘而還

遣段實伐永昌之西騰越蒲蠻阿昌金齒未降部落

十五年四月雲南招降威楚金齒落落傳地城寨軍民三萬二千二

百所

紀本

十六年五月雲南都元帥納速刺丁將兵抵金齒蒲驃緬國界內招
下三百砦籍戶十一萬詔定賦租立站遞設衛屯軍軍還獻馴象十

二

案世祖本紀蒲驃作蒲縹又有曲蠟二字

姚安酋長高明捐五千緡請立峰迎經藏一香閣

華亭寺述
祥杰碑

案此碑言鄯闡匡國侯高智昇建西山樓臺青侯高光繼之楚

雄世子高賢高明來遊至高明而改爲佛寺建大光明殿云云
可見宋元時高氏在雲楚諸郡之權力一酋長而輒捐巨金固

善舉矣然可見土民之情狀也

又案碑言至正乙卯至正無乙卯當爲至元之誤述律杰以大德四年往徹里路諭總管寒賽故知爲世祖十六年非順帝之至元也

雲南行省平章政事賽典赤卒

百姓巷哭交趾國遣使者十二人衰絰致祭使者號泣震野

史元

葬省城

雲南府志

虞氏集曰賽典赤以威惠沿其俗而道之善利

志序

賽典赤沒世祖憂之仍以其子納速刺丁爲雲南左丞

史元

十七年二月征緬

雲南行省左丞納速刺丁等上言緬國輿地形勢皆已在臣目中

臣先奉旨若重慶諸郡平然後有事緬國今四川已底寧請益兵
征之帝以問丞相脫里奪海對曰陛下初命發士卒六萬人征緬
今納速刺丁止容得萬人帝曰足矣遂詔納速刺丁將精兵萬人
征之納速刺丁又建言三事其一謂雲南規措所造金箔貿易病
民宜罷一謂雲南有省有宣慰司又有都元帥府近宣慰司已奏
罷而元帥府尙存臣謂行省既兼理軍民則元帥府亦在所當罷
一謂雲南官員子弟入質臣謂達官子弟留遺餘宜罷報可

五月丙午詔雲南行省發四川軍萬人命鐸喇哈領之與前所遣將
同征緬國

以領大農事張立道爲大理等處巡行勸農使

昆明池介碧雞金馬間環五百餘里夏潦暴至必冒城郭立道求

源泉所自出役丁夫二千人治之洩其水得壤地萬餘頃皆爲良田爨焚之人雖知蠶桑而未得其法立道始教之飼養收利十倍於舊雲南益富除立道中慶路總管

十八年九月定雲南賦稅用金爲則以貝子折納每金一錢直貝子二十索

段實與其子阿慶入朝進大理威楚金齒等處宣慰使都元帥留阿慶宿衛東宮及陛辭復拜爲雲南諸路行中書省參知政事

元史本傳

十九年詔迎征緬之師段實行至金齒以疾卒

元史本傳

案實治大理二十三年野史誤爲大德元年卒阮志正之

又案元史段興智與季父信苴福入覲委國任其弟段實後率焚爨二萬人攻降交趾入朝道卒段實又以征緬道卒可謂兄